

Alfons Tuor e sia ovra litterara

Nova publicaziun dall'ovra completa edida da Renzo Caduff

DA PAUL DUFF / ANR

■ La sala dil hotel Greina a Rabius ei s'emplenida tochen il pli davos plaz la dumengia vargada suentermiezdi. Ils retardai han stui star sin peis. Quella gronda fuola d'interessents documentescha igl interesser vid l'ovra dil poet Alfons Tuor e la renconuschienscha ch'el gauda aunc 111 onns suenter sia mort. Il cudisch da Renzo Caduff arva a nus novas portas e lai endriescher fatgs intims ella veta dalla famiglia dils Tuors. Quei lubescha d'emprender d'enconuscher era in'autra vesta dallas ovras dil poet romantic religius.

Suffrientschach e tema d'exista

«Alfons Tuor, poesias», quei num porta il niev cudisch. La Chasa Editura Rumantscha presenta in'ovra bein retscher-cada e documentada cun commentaris ed explicaziuns digl autur dil cudisch Renzo Caduff. Gia en sia lavur da licenziat all'Universidad da Friburg eis el seftschetaus cul poet da Rabius ed igl onn vargau aunc pli intensiv ch'antruras. Il portret biograf d'Alfons Tuor dat in guard sin la situaziun economica dalla famiglia da pura muntogna. Las brevs, per part tschentadas en manuscrit, relatan dil fastedi dil bab Gion Antoni per ina buna existenza per siu fegl Alfons. El supplicescha siu fegl da surprender ina plazza e secuentar sco telegrafist, ligacudischs ni signun. Aschi deplorabel che fegl Alfons ha buc anflau plazzas stablas ei quei fatg staus da gudogn per la littatura romontsch, alla quala el ei sededicaus duront si'entira veta. En siu lungat matern ha el schau in relasch tgeomblaus dad ovras litteraras a noissa societad romontsch. A Paris ed a Londra eis el



Il Chor mischedau Rabius ha embelliu la fiesta dalla vernissasca dil cudisch niev. La canzun «Allas steilas» ha impressiunau sco adina.

FOTO P. DUFF

staus e frequentau leu studis allas universitads. Duront quei temps egl jester lon-tan ha el buca sulet pitiu dalla malsogna maligna, vitier ei aunc vegniu il mal dil schar encrescher. Quels profunds sentiments ha el descret en poesias lamentontas e trestas. Alfons Tuor ha suffriu sia entira veta ed ei morts cun mo 33 onns ils 19 da mars 1904.

En pliras poesias satiricas demoussa Alfons Tuor sia vart humoristica e critica enviers autoritads ni societat. Quei porta ad el zuar empau critica, mo negin remiers da cunsenzia. Ils rehuns da Londra pren el sils corns ed apropos corns, la historia dil schnec da Medel deriva era ord sia plema. Ina survesta cronologica da tuttas publicaziuns, da sias stazioni e dimora da studis dat survesta clara dall'activitat dalla cuorta veta. Atras sia

veta e si'ovra ei da sentir ina profunda religiusadad. Mudergiaus da mals ha Alfons Tuor anflau sustegn, confiert e gronda speranza ella cardientscha. Il confess da siu credo ed il schem da siu pitir ein d'anflar ella pli renomada poesia «Allas steilas».

Admiraziun e renconuschienscha

La Cumissiun da cultura da Rabius ha mess sin peis ina digna fiesta a caschun dalla vernissasca dil niev cudisch. Anita Capaul dalla Chasa Editura Rumantscha ha engraziau per la spontanitad demusada dils da Rabius. Ella ha engaschau Otmar Seiler per menar la fiesta ed el ha fatg quei cun in fin sensori ed ina spontanitad adequata. Il Chor mischedau da Rabius ha delectau ils presents cun canzuns da viarva romontsch d'Alfons

Tuor. Aposta per quei di ha siu dirigent, Gabriel Derungs, cantau in engraziament al poet indigen tenor la melodia «va, clo-ma sur muntogna».

Armin Candinas, president communal da Sumvitg, ha sutlingau la luschezia ch'els hagien d'haver in aschi renomau antenat en vischernaunca. Ina fontana regorda dil grond poet e siu crap fosse ei postaus el santeri da Rabius.

Ei dat denton pli significonts monumets per in autur che craps, quei ha Leo Tuor pretendiu. Il crap sa negin prender cun sesez ni tschentarl el regal, denton in cudisch ha plaz en mintga valischa e sin mintga cruna en stiva. Il cudisch che vegn legius ei il ver monument per il poet. Cun siu fin sensori ha Leo Tuor engartau detags zuppai el cuntegn dallas brevs denter bab e fegl. Quellas lingias

autenticas laian sminar la dispetta ch'els dus havevan appartenent il viver. Las fotografias relatan medemamein la posiziun patriarcala dil bab ella gronda familia cun nov affons. «Mintgin da nus ha Alfons Tuor en sesez!» pretenda Leo Tuor fagend attente sin dispetas, plaschers e suffrientschass dalla veta. Siu fervent giavisch als presents, mo era als Romontschs en general: «Cumprei il cudisch, legi el ni silmeins mettei el sin cruna.» Quella cunzina han biars presents suandau ed ein i a casa cun las poesias d'Alfons Tuor sut bratsch ni en tastga.

Il cudisch «Alfons Tuor, poesias» da Renzo Caduff sa vegni retratgs tier la Chasa Editura Rumantscha, www.chasaeditura.ch ni en tuttas librarias. Ulteriuras presentaziuns: 20-01-2016 Biblioteca cantunala Cuera, 15-03-2016 al colloqui romontsch dall'Universidad da Turitg, edi-fici principal.

Davide penitente e Missa brevis in F

Il Chor Surselva ha entschiet sia sfida da concert



Motivai pil 260avel anniversari da W. A. Mozart: Cantaduras e cantadurs dil Chor Surselva han entschiet il project culs concerts digl avrel 2016.

FOTO A. BEELI

■ (anr/abc) Il project Mozart sa entscheiver – ed el ha entschiet cun vigur. Dacuort han cantaduras e cantadurs instradu cul dirigent Rest G. Tuor las emprovas pil concert che ha liug primavera proxima. Tur fuva mess fil en guila. Rest Giusep Tuor haveva tscharni il program, reservau igl orchester ed era ils solists fuvan informai. Muncava mo aunc il chor. Gliez fuva aunc il punct malsegir. Gest lez, igl esenzial. Per cantar ina messa ed in oratori sacrals da Mozart drova ei tuttina in pulit diember da cantaduras e cantadurs. Era in comite da project fuva seformaus, tal haveva entschiet gia la stad a s'occupar cun in preventiv. Cantar il «Davide penitente» e la «Missa brevis in F, KV192» da Wolfgang Amadeus Mozart ei ina pulita sfida. Ina roscha persunas dalla Surselva e d'utro ha retschert invit, a cantaduras e cantadurs anteriurs han ins fatg gust da separticipar.

El haveva survegniu avunda da messas

Tgi ch'ei arrivau dacuort all'emprema emprova dalla dumengia sera a Glion ha surstau buca pauc: Rodund 60 cantaduras e cantadurs, bein reparti els registers, han entschiet cull'emprema emprova dil project da Mozart. Il dirigent Rest G. Tuor haveva ordavon mess el clar ch'ins sappi realisar il project mo cun in diember sufficient da glieud. E la glieud ha seschau intimar dil program. Tuts ch'ein stai surstai positiv dil chor ch'ei seformaus. Pil 260avel onn da naschientcha da Wolfgang Amadeus Mozart presenta quel igl avrel 2016 duas da sias ovras sacrals. Inaga-

da ei quei il «Davide penitente KV 469» ch'il scheni austriac ha scret a Vienna. 1782, suenter haver bandunau Salzburg – nua ch'el stueva cumponer ad incuntin ovras sacrals pigl arzestg – haveva el entschiet a Vienna a cumponer ovras profanas. El haveva survegniu avunda da messas. Tuttina ha el entschiet a Vienna a scriver ina messa en c-moll ch'ei denton ida en truchet. Treis onns pli tard ha la «Wiener Tonkünstler-Societät» empustau ina messa da el. Mozart ha priu neunavon il manu-scriet dalla messa en c-moll ed ei sete-

nus vid quella cun scriver igl oratori. Il text talian serefrescha als psalms da David. La musica bunamein mistica cumbina il stil d'ina opera cun ina ovra sacrala.

Tuttina ina messa

Il «Davide penitente» en talian per chor, orchester e solists cuoza strusch 50 minutas. Aschia ha il dirigent tscharniu ina ulteriura ovra digna che sa vegni cumbinada. Fans da Mozart vegnan a selegrar dalla «Missa brevis in F» en latin. Il chor vegn a presentar quella medema-

mein cugl orchester Le Phénix. A caschun dall'emprema emprova ella sala dalla casa pervenda catolica a Glion han cantaduras e cantadurs retschert las partituras ed ein s'approfundi l'emprema gada en omisduas ovras. Tuts ch'ein stai surstai dil tun dil chor e digl effect ch'ei fa da cantar Mozart. Parts ruassevilas sebrattan cun fugas, ins sto seconcentrar e dumbrar tact. Ritmicas cun sedischavlas e notas entiras pretenden ch'ins suondi attentamein l'emprema. Dad ussa naven tochen tiels concerti igl avrel 2016 s'entaupan las 60 cantaduras e cantadurs als exercezis. Avon, e quei aunc uonn, ha il Chor Surselva dus ulteriurs termins. Sco quei che Renata Gienal, la presidenta dil chor, ha informau ei il chor presents cun in stan alla fiera d'avvent da sonda, ils 28 da novembre a Glion. In meins pli tard, ils 28 da decembre separticipescha el al marcau da Daniev lumnezian che ha liug uonn ad Uors. Omisduas gadas han ins caschun da discuorer cullas cantaduras e culls cantadurs dil project Mozart cun beiber in punsch e far viva sil bien gar-tegar dil project.